

### 本省新聞

泰安酒捐示諭○泰安縣閣邑酒捐經委員此次認真查辦通年酒捐定為十個月繳清又將六臘兩月豁免體恤商民可謂周至惟前收稅項均由書吏經手往往帶欠不清迭生弊竇今已由莊大令會同籌捐委員邀請泰源公司官銀行代收並發給聯三信牌官商分執以昭信守錢色四成西南鄉票六成銅元清錢收交一律不得從中多使取巧春季限三月十六至月底交清夏季限五月十六至月底交清秋季限九月十六至月底交清冬季限十一月十六至月底交清如春秋兩季越限未交罰六月空月酒捐秋冬兩季越限未交罰臘月空月酒捐近已會銜出示曉諭各商民知悉矣

耗費無益○李大令務滋前署離縣卸任時曾將不便攜帶各器具存邑紳丁部郎家近已函囑將此項器具全行變價任充本地義舉列聞邑人已請將此款捐作城隍出巡旗幟之用款雖無多不免耗費於無益之地矣

滕縣稟設商會○滕縣永勝同和各號十六家近以滕陽地控水陸土產外貨商業大可擴充於口稅亦不無裨益今擬設立公所試辦商會購置商家書冊儀器以擴見聞聯絡南北華洋商埠以通聲氣藉悉中外風土產業稅約情形以廣營運所有坐商行商一切損益利病之處即遵照奏章准由各董呈稟並請隨時辦理均無規費以便整頓其在本地商賈有隨同商會事宜者請合力維持其在外來商賈有隨同商會事宜者並請一體保護庶幾官紳一氣上下相維現有在籍紳董揀選知縣孔憲標熟悉商務衆望允孚舉辦商會足資裨益現已將擬設公所公舉紳董各緣由合詞稟請本縣專詳並逕稟商局鑒核施行近奉商局批據稟擬設公所試辦商會舉紳董孔憲標為商董各節是否可行仰候檄行滕縣體察情形妥議稟覆核奪

衍聖公太夫人進京○衍聖公母彭太夫人八日前由曲阜啟行進京因都中太僕寺街賜第年久頽壞不堪居住擬俟到京後暫住陝西街陶宅業已先期知會陶宅已派人至莊迎接聞公太夫人此次進京因有賜地在獨石口外久無音耗近聞貽將軍有已將該地放墾之說故親自北上擬設法詳查收回大約日內可抵都門云

兗郡錢局商運銅元○兗郡官商錢局每月承換各學堂及兗鎮各營銀三千餘兩本處均無存錢支應又不便逕赴鄰境交易擬即稟懇商局印頒護

照由局赴縣報填標發收執以便赴各縣兌易或即請官銀總號按月賜發銅元數萬枚遵章按照市價繳銀並請酌給運費以資津貼而便周轉日前業已具稟請示旋奉商局批查內地銅元此縣運行彼縣原不在禁止之列節經藩台通行曉諭在案據稱該錢局時有大宗官款銀項兌換為難亦屬實情惟所請由本局頒發護照殊費周折不如就近報由地方官填給護照以備沿途查驗連到隨時擊銷較為便利仰候檄行兗州府體察情形妥議辦法行縣轉飭遵照至請領本省銅元應派人前赴官銀號面議緣總號存元多寡及盈虛消息均難預計也仰即知照

西府農工商會易委總董○新簡河南提學使孔少詹太史將次赴任所遺兗沂曹濟各屬農工商會總董已於日前由撫帥札委在籍三品銜候選道孔觀察祥霖接辦

孔太史擇吉赴任○學部前請遴放各省提學使曾經奏明未經出洋及辦理學務資勞未久者當先派赴日本考察三月後再行履任近探聞學部業已定議奉天張鶴齡江甯陳伯陶安徽沈曾植浙江支恒榮湖北黃紹箕廣東于式枚暨魯豫二省提學使均可即赴新任毋庸出洋孔少詹太史聞不日即將東省差務清理交卸擇吉赴河南提學使署任云

日醫賣藥○周村觀海門裏道南縣署公所店中有一日本人年二十五歲自日本國運來丹丸藥水甚多專治老幼男女一切雜症在各街巷壁到處張貼報紙其丹藥每劑自京錢一百文至四五百文不等旬日間聞已賣得京錢六十餘千云

驗收河工○玉符河挑濬工程現已告竣撫帥於初十起節順道先赴穆里莊查看開工該處緊接玉符河北瀕黃河開工最關緊要丁培軒督辦深恐稍有不慎致下游田廬受淹因用鐵板機器築涵洞三個起閉極易現僅開放一洞每日已可放水數方夏間山水漲發即行閉塞斷無危險撫憲深以籌辦得法極口嘉許勸後取道長清南下小清河工程當委張毓渠都轉驗收午後偕同丁朱呂三觀察逐段丈量水勢均極順利惟中段侯家小橋因橋底石板墊阻上下跌塘有二尺高下必須於橋北另開新河十餘丈方能直下無碍已由丁督辦分飭工員趕修至林家橋天已傍晚都轉回城面訂一二日內再至黃台橋查勘水勢並囑唐芝田觀察預備小輪試行勘驗云

請興實業○沂州保定農科畢業前充郯城縣農學教員附貢生劉繼光近